



a cura di Isabella Descalzo

Rinaldo Luccardini (a cura di), *BCULT – Beni culturali di serie B a Genova e in altri luoghi*, Liberodiscrivere, Genova 2009, pagg. 194

Rinaldo Luccardini (a cura di), *BCULT B – Beni culturali di serie B a Genova e in altri luoghi*, Liberodiscrivere, Genova 2012, pagg. 130

O titolo de questi doi libbri o l'è l'abbreviaçion de *beni culturali* ma, comme l'è scrìto derè a-o primmo libbro, in ingleize *be cult* o l'è 'n invito a ese partèçipi do patrimonio culturale, ch'o no l'è fæto solo de cöse grende ma ascì de picinn-e.

Ghe n'è a çentanæa, divize pe argomento: *mare e porti, musei e oggetti da museo, verde e paesaggio, arredo urbano, architettura, veicoli e motori, archeologia, monumenti e sculture, cibo ed acqua, militaria, oggetti d'uso, usi e costumi*.

Gh'è da scommette che pe-i ciù tanti saian squæxi tutte novità e sorpreize, e faian vegnì coæ de amiâse in gîo con ciù atençion e coixitàe quande anemmo pe-a stradda.



Gian Ricardo Ferrari “u Cabàn”, *Profumo di arziglio – L'antica cucina dei pescatori loanesi e liguri*, Loano 2005-2013, pagg. 124

Gian Ricardo Ferrari “u Cabàn”, *Il branzino e l'origano – “U luassu e a carnabuggia” – Antiche ricette di Liguria. Ricordi e personaggi del bel tempo andato*, Loano 2007, pagg. 144

Gian Ricardo Ferrari “u Cabàn”, *Una arbanella di acciughe – Ina arbanela de ancioe – La cucina dei pescatori di ieri e di oggi. Viaggio tra le ricette e i gusti marinari di Liguria*, Loano 2013, pagg. 146

Trei libbri scriti a pöchi anni un da l'atro, pe-e mæxime raxoin: amò pe-o sò pàize, Leua, pe-a sò gente, pe-e tradiçion e pe-o pròscimo, in particolare pe-e famigge de personn-e dizabili; i proventi di trei libbri en defæti destinæ a l'*Asociaçion DopoDomani Onlus*, pe 'na caza-famiglia a Leua.

L'argomento o l'è ciæo, o mangià di pescoei, secondo e riçette tramandæ inte famigge, ma gh'è ben ben de ciù: tantiscime fotografie d'epoca e tanti aregòrdi de personn-e.

No però cöse malincòniche, co-a testa già inderè into pasòu e a làgrima inte l'euggio, no: a memöia a l'è o bon teren dove cresce a vitta presente, savendo che do pasòu bezeugna sarvâ quello che ne peu tegnì a galla ancheu, senza ligâse a-o còllo de prie che ne tîan a-o fondo.

